



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

CV. Ut in Civitate Senogalliensi tempore nundinarum diebus Festis de
Præcepto a servilibus operibus abstinenceatur: Prorogatur tempus ad dictas
Nundindas per alios quinque dies peragendas, Privilegia ...

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

1744.

respectivè recipiant, & admittant; Eisque ad præmissorum effectum examinatis, atque recognitis, vocatisque coram se, & auditis omnibus interesse habentibus, super existentia, & qualitate Jurispatronatus hujusmodi, ejusdemque competentia, opportuna decreta, seu sententias interponant; de quibus omnibus ab eisdem gestis, ac de tota serie rei peractæ, quilibet eorum intra quatuor ad summum menses Apostolicam Sedem certiorare teneatur.

Et erectiones commendarum confirmari per Litteras in forma Brevis, five per Decretum.

§. 7. Ubi verò supradictæ Militiæ Magnus pro tempore Magister ad requisitas Commendarum, Præceptoriarum, seu Ecclesiarum, aut Cappellarum, erectiones, earumque Militiæ prædictæ incorporationes, & applicationes, necnon, juxta hujusmodi Judicium a Nobis, ut præfertur, delegatorum & deputatorum, decreta, five sententias, ad jurium patronatus, & præsentandi præservationes, seu etiam reservationes, & concessiones devenerit; volumus, ut infra quatuor Menses, si Beneficia hujusmodi citra Montes confliterint, si verò ultra Montes, infra sex Menses à die quo illæ factæ fuerint, præmissorum omnium confirmatio à Sede Apostolica obtineri debeat; Quam quidem confirmationem per Litteras Apostolicas in forma Brevis, vel etiam per simplex Decretum Congregationis Ven. Fratrum Nostrorum S. R. E. Cardinalium negotiis, & consultationibus Episcoporum & Regularium præpositorum, vel aliorum Concilii Tridentini Apostolica auctoritate Interpretum, expediri posse concedimus & indulgemus: Utque eà demum obtenta, sequutoque illorum, qui Beneficia hujusmodi obtineant, cessu vel decessu, tunc, & non antea, supradictæ Militiæ Magnus Magister, ad Commendarum, seu Præceptoriarum, Cappellarum, Ecclesiarum hujusmodi collationes, & provisiones, atque eorum, qui à Patronis prædictis præsentati fuerint, in eisdem institutiones, juxta stabilimenta dictæ Militiæ, valeat devenire.

Clausula salutaris.

§. 8. Decernentes easdem præsentantes, & in eis contenta hujusmodi, de subreptionis, vel obreptionis, aut nullitatis vitio, seu intentionis Nostræ, vel quocumque alio defectu notari, impugnari, invalidari, in jus vel controversiam revocari, ad terminos juris reduci, aut adversus eas quocumque juris, facti, vel gratiæ remedium impetrari, aut concedi nullo unquam tempore posse, nec sub quibusvis similibus vel dissimilibus gratiarum revocationibus, limitationibus, modificationibus, suspensionibus, aut aliis contrariis dispositionibus etiam à Nobis, vel quibuscumque aliis Romanis Pontificibus successoribus Nostris pro tempore emanatis comprehendere, sed semper & omnino ab illis excepta, & quoties illæ emanabunt, toties in pristinum & validissimum statum restituta, reposita, & plenarie reintegrata, ac de novo etiam sub quacumque posteriori data per prædictum Carolum Emmanuelem, & pro tempore existentem Ducem & Magnum Magistrum eligenda, concessa, validaque, & efficacia fore & esse, ac suos plenarios & integros effectus sortiri, & perpetuò obtinere.

Decretum irritans.

§. 9. Sicque per quoscumque Judices Ordinarios, & Delegatos, & Causarum Palatii Apostolici Auditores, ac Sanctæ Rom. Eccl. Cardinales, etiam de Latere Legatos, Vicelegatos, dictæque Sedis Nuntios in quavis causa, & instantia judicari, & definiti debere, irritumque & inane, si fecus super his à quoquam quavis auctoritate scienter, vel ignoranter contigerit attentari.

Derogationes.

§. 10. Non obstantibus prædicta ejusdem Pii Prædecessoris, aliisque Constitutionibus, & Ordinationibus Apostolicis, necnon utriusque Militiæ prædictæ, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Litteris Apostolicis, quibusvis Con-

ventibus, Militibus, & Personis utriusque Militiæ hujusmodi, sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis Decretis in genere, vel in specie etiam iteratis vicibus concessis, approbatis, & innovatis. Quibus omnibus, etiam de illis, ac totis eorum tenoribus, specialis, specifica, expressa, & individua mentio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum infererentur, præsentibus pro sufficienter expressis habentes, illis aliis in tuo robore permanentibus, hac vice dumtaxat, ad præmissorum effectum specialiter, & expressè derogamus, ceterisque contrariis quibuscumque.

1744.

§. 11. Nulli ergo omnino hominum liceat paginam hanc nostrarum Confirmationis, Innovationis, concessionis, ampliationis, derogationis, Statuti, Decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum.

Sanctio.

Datum Romæ apud Sanctam Mariam Majorem Anno Incarnationis Dominicæ millesimo septingentesimo quadagesimoquarto, decimo Kal. Septembris, Pontificatus Nostri Anno Quinto.

Dat die 13. Aug. 1744.

D. Cardinalis Passioneus.
J. Datarius.
VISA DE CURIA.
J. C. Boschi.
L. Eugenius.
Registrata in Secretaria Brevium.

Ut in Civitate Senogallienfi tempore Nundinarum diebus Feltis de Præcepto à servilibus Operibus ablineatur: Prorogatur tempus ad dictas Nundinas per alios quinque dies peragendas; Privilegia confirmantur, & ampliantur.

CV;

BENEDICTUS EPISCOPUS

SERVUS SERVORUM DEI.

Ad perpetuam rei memoriam.

PATERNÆ charitatis officium, quo Christiani fideles omnes in Domino complectimur, eorumque felicitati procurandæ spirituali in primis, ac deinde temporali etiam, quantum in Nobis est, studemus, Nos admonet ac stimulat, ut diligentiori studio ac cura ad ea intendamus animum, quæ ad Subditarum in temporalibus Nobis, ac Sedi Apostolicæ Civitatum publicum, & privatum commodum, communemque utilitatem pertinent. Equitatis enim ratio, & justitiæ rectitudo postulat, ut qui sub temporali Sanctæ Romanæ Ecclesiæ dominio positi ac degentes, superna dispensatione paritatis Nostræ regimini, & gubernio temporali concrediti sunt, & a Nostra Pastoralis sollicitudine bona non solum, quæ ad salutem animarum, sed etiam, quæ ad subsidium, & opem hujus mortalium vitæ sustentandæ interserviunt, certa ac firma fiducia sibi pollicentur, iusta expectatione sua, ac spe in Nobis reposita minime defraudentur; sed abundantius etiam, quam sperant, optata sua, sine ullo tamen spirituali animarum suarum detrimento, consequantur, ut votorum suorum compotes facti, in uberium necessarium copia, omnium bonorum Largitori humiles gratiarum actiones statanter persolvant.

Proemium.

§. 1. Jamdudum, & ab immemorabili tempore in Civitate nostra Senogallienfi celebres

Causæ eadem de Constitutionis.

Nun-

1744.

Nundinae per octo dies ante festum Sanctae Mariae Magdalenae, & quatuor subsequentes, magno hominum concursu ex remotis & longinquis Europae, atque Asiae partibus ad eas confluentium peragi, consueverunt. Cum autem intra illorum dierum spatium dies festi unus, aut alterius Dominicæ mensis Julii, & Sancti Jacobi Apostoli, & Sanctae Annæ incidere soleant, non sine animi nostri dolore accepimus, quod his diebus, in quibus Christianifideles in operibus pietatis, ac religionis se exercere debent, aliqui pravi homines, Dei, & Catholicae Ecclesiae præceptorum immemores, & turpi lucro, animarum suarum salute posthabita, inhiantes, per integrum festorum dierum tempus in operibus servilibus, & commerciis obeundis, negociisque temporalibus tractandis, non sine bonorum scandalo, imo Gentium, & Judæorum admiratione, occupati sunt.

§. 2. Nos igitur ex commisso Nobis Pastoralis sollicitudinis munere, tam pernicioso abusui, & gravi malo opportunum remedium asserre, & detestandam hanc abominationem e medio dilectæ Nobis Civitatis Nostræ auferre cupientes; Volentesque etiam indemnitati, & perpetuitati jussum, & privilegiorum ejusdem Civitatis, ejusque; ac totius temporalis Status nostri commodo, atque utilitati, quantum in Domino possumus, consulere, ac providere: Motu proprio, ex certa scientia, & plenitudine potestatis, hac Nostrâ in perpetuum validâ sanctione decernimus ac constituimus, & Apostolica nostra auctoritate mandamus ac jubemus, ut tempore Nundinarum, quas in posterum in præfata nostra Civitate de more haberi volumus, festi dies piæ sanctæque, perinde ac reliquo totius anni cursu, a Christianifidelibus colantur, Officiæ; ac Tabernæ claudantur, nullaque publicè exercentur commercia, stipulerentque contracta, neque alia omnia fiant, quæ in cæteris anni festis diebus a Christianifidelibus peragi prohibentur, eo potissimum tempore, quo in majori Ecclesia Sacra Missarum solemnitas fieri, & Vesperarum Divina Officia celebrari, & prædicatio verbi Dei haberi consuevit: mane scilicet ab hora decimæ tertiæ usque ad meridiem, post meridiem verò ab hora viceßima prima diei usque ad occasum Solis; & per totum dictum temporis spatium omnes Christianifideles ab operibus servilibus, ad quæ peragenda nulla necessitas cogit, omnino ablineant, sed ab omni terrena cura, & temporali sollicitudine liberi & vacui, ad Ecclesiam pergant; ibi Sacrosactæ Missæ Sacrificio pia animi attentione ingentia Dei beneficia recolentes intersint; quin etiam exhortantur in Domino, ut in precibus quoque, Divinisque laudibus persolvendis, audiendoque verbo Dei frequentes sint, & per totum festum diem, quoad fieri potest, se exercent in iis officiis, quæ Christianam pietatem continent, & comitantur. Si qui autem temerario ausu, Dei, & Ecclesie præcepta contempnentes, hanc nostram Constitutionem transgredi tentaverint; Volumus, ut omnibus, & singulis subiciantur poenæ, ac censuris aliis a Nobis, nostrisque Prædecessoribus contra inobservantes, temerantesque dies festos statutis, ac determinatis, quas, quatenus opus sit, contra eosdem delinquentes rursus sancimus, constituimus, ac determinamus.

§. 3. Deinde verò ne ex hac Constitutione, & provisione nostra aliquod temporale damnum Civitati prædictæ, aliisque ditionis nostræ, & Status Ecclesiastici populis præjudicium, vel detrimentum publico commercio ejusque libertati oriatur, præfatarum Nundinarum tempus ad alios quinque dies, præter solitos & consuetos, producimus, ac prolongamus, in hunc modum videlicet: Ut Nundinae prædictæ

in Civitate nostra Senogallienfi de more celebrentur per octo dies ante festum Sanctae Mariae Magdalenae, & insuper per novem dies subsequentes, usque ad initium sequentis mensis Augusti: & ulterius ad pleniorum præmissorum effectum, & hujus voluntatis, provisionis, ac determinationis nostræ executionem, omnia & singula jura, privilegia, indulta, statuta, consuetudines, sententias, ac rescripta quomodocumque a Nobis, nostrisque Prædecessoribus, præsertim Urbano VIII., & Innocentio X., quorum tenores hinc nostris præsentibus Literis de verbo ad verbum pro insertis, & expressis haberi volumus, contra quoscumque emanata, & a præfata Civitate nostra Senogallienfi obtenta atque impetrata, super jure privative celebrandi præfato tempore Nundinas prædictas, tenore præsentium, non ad ullius petitionis instantiam, sed motu proprio, scientia, & potestate pari, confirmamus ac roboramus, eisque perpetuæ & inviolabilis firmitatis robur, & Apostolica confirmationis munimen adjicimus.

§. 4. Denique, ut commerciorum per dictum Nundinarum tempus celebritas inter nostros Subditos, & externos Mercatores, qui ex diversis, & distantibus regionibus terra, marique cum variis mercibus, ad victum, & communem vitæ usum utilibus & necessariis adveniunt, navium numero, jumentorumque multitudine, Mercatorum frequentia, hominumque concursu, copia & ubertate mercium in dies magis magisque augeatur, omnes gratias, immunitates, ac privilegia, liberum ac tutum comæatum, accessum, ac recessum, & promissam sub fide publica securitatem omnibus & singulis ad dictas Nundinas in Civitate nostra Senogallienfi peragendas accedentibus, ibique commorantibus, eodem modo ac forma, qua durante dictarum Nundinarum tempore gaudere ac perfui consueverunt, de Apostolica benignitate per supradictum a Nobis constitutum temporis spatium confirmamus, ac de novo indulgemus, atque impertimur.

§. 5. Decernentes hic, & non aliter in præfatis omnibus, & singulis ceteris, ac per quoscumque Judices Ordinarios, & Delegatos, etiam Causarum Palatii Apostolici Auditores, ac nostram Cameram Apostolicam, ejusque Officiales quomodocumque nuncupatos, & ejusdem Sanctæ Romanæ Ecclesie Cardinales, etiam de Latere Legatos, præsertim Status Nostræ Urbini, & quovis alios quacumque auctoritate fungentes, & functuros, sublata eis, & eorum cui-libet quavis aliter judicandi, & interpretandi facultate, & auctoritate, judicari, & definiti debere; & irritum, & inane, si secus super his a quoquam quavis auctoritate, scienter, vel ignoranter contigerit attentari.

§. 6. Non obstantibus Constitutionibus, & Ordinationibus Apostolicis, necnon Legibus Imperialibus, & Municipalibus, & quatenus opus sit, Nostræ, & Cancellariæ Apostolicæ regulae de jure questio non tollendo, ac recolendæ memoriæ Cuius Papæ IV. etiam Prædecessoris Nostræ Constitutione de gratis quaecumque interesse Camerae Apostolicæ concernentibus in eadem Camera præsentandis, & registrandis, itaut præfentes Literæ, etiam in eadem Camera nunquam tempore præsententur & registrentur, nihilominus valeant, plenamque roboris firmitatem obtineant: necnon quibuscumque, & quavis firmitate aliâ roboratis Statutis, & consuetudinibus, privilegiis quoque, indultis, & Literis Apostolicis quibusvis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, ac aliis in contrarium præmissorum quomodolibet concessis, & innovatis;

1744.

Confirmatur privilegia Nundinarum

Cum extensione ad dies adjectos.

Decretum irritans.

Clausula derogatorie.

Dies festos tempore Nundinarum servari præcipitur.

Nedum abstinendo a servilibus operibus.

Sed Christiana pietatis exercitiis vacando.

Pænæ contra inobedientes.

Ne detrimentum ex hoc irrogetur, tempus Nundinarum ad alios quinque dies prorogatur.

1744.

Quibus omnibus, & singulis, eorum omnium & singulorum tenores presentibus ac terminis, & sufficienter expressis, & de verbo ad verbum insertis habentes, illis aliis in suo robore permanentibus, ad praemissorum effectum specialiter, & expresse derogamus, ceterisque contrariis quibuscumque.

Fides praestanda transumptis.

§. 7. Ceterum, quia nimis difficile foret praesentes Nostras originales Literas ad singula loca, ubi opus esset, deferri, volumus, ut earum transumptis etiam impressis, manu publici Notarii subscriptis, & sigillo alicujus Personae in dignitate Ecclesiastica constitutae munitis, eadem ubique fides habeatur, quae ipsis praesentibus haberetur, si forent exhibitae vel offensa.

Sanctio penal.

§. 8. Nulli ergo omnino Hominum liceat hanc paginam nostrae constitutionis, provisionis, concessionis, confirmationis, statuti, necnon prohibitionis, decreti, ac voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum.

Dat die 24. Augusti.

Datum Romae apud Sanctam Mariam Majorem, Anno Incarnationis Dominicae milleesimo septingentesimo quadagesimo quarto, nono Kalendas Septembris, Pontificatus Nostri Anno Quinto.

D. Card. Passioneus.

J. Datarus.

VISA DE CURIA.

J. C. Boschi.

J. B. Eugenius.

Registrata in Secretaria Brevium.

Public. die 3. Septembris ejusdem Anni.

Confirmatio Privilegiorum, Indultorum, & Jurium Collegii Advocatorum Consistorialium; & de eorum muneribus; cum nonnullis definitionibus & Ordinationibus.

BENEDICTUS EPISCOPUS

SERVUS SERVORUM DEI.

Ad perpetuam rei memoriam.

Procedimus.

INTER conspicuos Ordines, quibus Romana Curia toto terrarum Orbe celeberrima constat atque constat, & quorum aliqui progerendo universae Ecclesiae Catholicae regimine per inscrutabilem Divini consilii altitudinem humilitati Nostrae concedito, alii pro temporali Nostro, seu verus Beatorum Apostolorum, Patrimonia administrando, consilium atque operam suam Nobis assidue praestant; alii vero Ecclesiarum, sive Universitatum, aut privatorum controversiis, quae ad Nostram hanc Urbem & Curiam undique deferuntur, cognoscendis, atque dijudicandis; alii denique in concertantium iuribus & causis suslinendis, defendendis, agendis, scientiam suam atque labores impendant; provida Praedecessorum Nostrorum cura a remotissimis usque temporibus extare voluit illustre Advocatorum Consistorialium Collegium, ex praclaris compositum virtute ac doctrina Viris; quibus, propter scientiae praestantiam ac rerum usum atque prudentiam, ex omni Advocatorum coetu delectis, singulare jus, ac privilegium attribuerunt perorandi coram Romano Pontifice; in Supremo Justitiae Solio, adstantibus Venerabilibus Fratibus suis S. R. E. Cardinalibus, solemniter confidente; in Sacro nimirum Consistorio, in quo pleraeque olim gravioris momenti causa, ad Apostolicae Sedis iudicium ex omni parte delata, discutiebantur; & plures adhuc vel examinantur, vel, si illa extra

Romana Curia pluribus pro vario munere Ordinibus composita.

Inter quos extat illustre Advocatorum Consistorialium Collegium.

Gravissimis exercendis muneribus addictum.

Consistorium agitata ac discussa jam fuerint, in ipso tamen Consistorio definiuntur ac terminantur. Quod quidem Advocatorum praedictorum Collegium, singulareque personae vertentibus annis eidem adscriptae, industriam atque operam suam praefatis Praedecessoribus Nostris ita probarunt, ut & gravissimum munus, quae ad retinendam sanctorum iudiciorum religionem, ad Apostolicae Sedis iura tuenda & conservanda, ad calamitosorum salutem & defensionem, ac promovendam Juris & bonarum artium scientiam pertinerent, proprium sibi, atque, ut vocant, privativum exercitium adjudicari; necnon amplissimis gratis, privilegiis, atque favoribus, plurium Summorum Pontificum beneficentia cumulari, & cohonestari meruerint.

1744.

Et amplissimis privilegiis cumulat.

Quae tamen ex variis relationibus causis interurbata fuere.

§. 1. Quum autem hujusmodi Privilegia, eximius ipsorum meritis elargita, alia quidem aliis temporibus indulta reperiantur; nonnulla vero, licet longissimi temporis usura, optimo jure eidem acquista esse dignoscantur, attamen propter remotissimam fortasse concessionem vetustatem, incertis videantur principiis & originibus innixa; aliorum denique usum & quasi possessionem contrariis nonnunquam actibus interurbari & laesactari contigerit; optandum profecto videbatur, ut unica aliquando eorumdem collectione peracta, eademque inviolabili Apostolicae auctoritatis robore munita, & ipsius Collegii splendori ac dignitati, & juri ex Pontificia liberalitate eidem competentium firmitati ac securitati consuleretur. Nos itaque, qui concessum Nobis olim a felic. recordat. Praedecessore Nostro Clemente Papa XI. in eodem Collegio locum multos annos tenuimus, eundemque primum Nobis in Romana Curia honoris gradum fuisse, & validum ad studia laborumque Nostris in Apostolicae Sedis obsequia collocandos incitamentum, aptissimamque ad superiora munera & praemia adipiscenda occasionem extitisse, non sine iucunditate & grati animi sensu nobiscum recolimus, & palam profiteamur: cum jam eidem Collegio peculiariter quaedam Indulta & Privilegia per alias Nostras Literas in forma Brevis sub Annulo Piscatoris expeditas benigne concesserimus; ut illustre ac perenne extaret Nostrae erga praedictum Collegium existimationis & benevolentiae argumentum, eadem Indulta, & Privilegia tam a Nobis, ut praesertur, tributa, quam alia, quorum concessionem diversis Praedecessorum Nostrorum Literis consignatae reperiantur, vel quae ex inveterata consuetudine ipsi Collegio competere dignoscuntur, in unum veluti corpus redigere, eaque omnia Apostolica Nostra Auctoritate firmata & roborata, atque etiam, sicuti opus fuit, declarata & ampliata, praesentibus Nostris Literis perpetuo validitatis comprehendere constituimus. Igitur dilectos Filios modernos Aulae Nostrae Consistorialis Advocatos, eorumque Collegium praedictum amplioris gratiae favore prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis & poenis a Jure, vel ab Homine quavis occasione, vel causa latis, si quibus quomodolibet innodati existunt, ad effectum praesentium tantum consequendum, eorum singulares personas harum serie absolventes & absolutas fore censentes, Motu proprio, non ad Collegii, & Advocatorum praedictorum, vel aliorum pro ipsis Nobis super hoc oblatae petitionis instantiam, sed de Nostra mera liberalitate, & ex certa scientia, deque Apostolica potestatis plenitudine, omnia infra scripta privilegia, indulta, jura, facultates, honores, munera, praerogativas, & praerogativas ipsi Collegio earundem tenore praesentium in perpetuum asserimus, approbamus, confirmamus, & innovamus, eaque

Pontifex, qui in dicto Collegio locum obtinuit, Privilegia praefata in unum colligere, asserere, & augere statuit.

Alte Ferrara

Alte Neap

Ideo omnia Privilegia, Jura &c. in amplissima forma confirmat, & ut infra statuit.